



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 3

Yangia anidakangma :

Tir Yimyim

tiryimyim@aolima

tir yimyim

TAPAK 7

LS election nung Congress-i menden 40-a mangutsüa akok

Imran Khan takum lendong nung lir

VOL. XXI NO. 111 (ADOK 111) DIMAPUR

KÜPTOKNÜ (SATURDAY)

TSÜKLAI (FEBRUARY) 03, 2024 ₹ 5.00

Naga kaketshirtemi Manipur Governor den ajurutep

Imphal, February 2, 2024 (Agencies): Manipur Governor Anusuiya Uikey-i All Naga Student's Association, Manipur (ANSAM) lennirtem dang tekaratiba nung Union Home Minister Amit Shah den parnok tebilembatem lemsateptsü nangzükogo.

ANSAM-i Manipur Governor ajanga Union Home Minister dangi memorandum ka züluba sülen Anusuiya Uikey-i parnok dang iba tenangzükba agiogo.

ANSAM President M. Luikang Luckson-i anir züngsem trok agi akümba telok kati Manipur Governor den ajurutepa liasü.

ANSAM-i Union Home Minister dangi züluba shidi nung Indo-Myanmar arrtsü anasa Naga nung tersemtem nung Free Movement Regime (FMR) agientsü lemtetba meyipa agitsü shia lir.

2018 küm Modi-i aniba BJP sorkari FMR tenzükba ajanga lisopurtem senzusenbongba kanga züba kümogo ta ANSAM-i ashi.

ANSAM-isa Population Commission ka tenteter National Register of Citizens (NRC) aser

Manipur Inner Line Permit (ILP) mapa tenzüksü tebilemba lemsatep.

Idangji Governor Uikey-i ANSAM lennirtem dang Union Home Minister den parnok benokba onüktem lemsateptsü nangzük.

KCA-T-ia India-Myanmar atsüdangba magizüker:

Külen, Kuki Chiefs' Association, Tengenoupal (KCA-T)-ia India aser Myanmar tsüngda Free Movement Regime (FMR) agientsü magizükba metetdaksüogo.

Parnokisa India-Myanmar arrtsü atsüdangtsü lemtetba magizükba ashi.

"Public-i iba lemtet magizüker aser arrtsü atsüdangtsüba onük atema Kuki nung kanga tebilemtsü abener" ta KCA-T-I sangdong ka nung metetdaksü.

Iba inyakyim ajanga democratic tesayubatem ashioxtsür kechiyong iba ajanga nübertem ola nembangtsür. India aser Myanmar tsüngda arrtsü atsüdangba ajanga anatülen aliba Kuki nung sobaliba temetentem nung kongshir ta parnokisa metetdaksüogo.

Assam Governor-i NE NCC contingent den ajurutep

Guwahati, February 2, 2024 (Agencies): New Delhi nung 75 buba Republic Day parade aser Prime Minister's rally nung shilem agiba North Eastern Region (NER) Directorate nungi National Cadet Corps (NCC) contingent-i Assam Governor den ajurutepogo.

Brihostibarnü NCC contingent-i Raj Bhawan Guwahati nung Governor Gulab Chand Kataria den ajurutep.

NCC girls' band den junior wing cadets 171 aser Remount and Veterinary company cadets 4-i iba camp nung shilem agia liasü.

"December 29, 2023 nungi January 29, 2024 tashi New Delhi nung Republic Day camp amongdang nenoki linük tenzükba aser telongjem asoshi bendanga agütsüba aser meimba kuli sayuogo. Iba ajanga nenoki Northeastern region asoshi

konang tali bentsür aruogo" ta Governor Kataria-i ashi.

"January 29, 2024 nü ayonga agiba Prime Minister rally nung shilem agiba ajanga nenok NCC cadets ajaki linük tenzükba aser longjema alitsüba asoshi inyakba sayuogo. Northeastern region nungi iba temeyoktep telok ajanga sempet aser tenangzükba sayur" ta pai metetdaksü.

NCC NER Directorate-i state balaka kübok district tem nungi sempet aketba NCC cadets shimba atema tenüngsang agütsür ta Governor Kataria-isa ashi.

North Eastern Region (NER) Directorate nungi NCC contingent-i "Best Cultural Team" trophy anguba atema tenüngsang agütsür ta paisa shisem.

NCC ajanga lanurtem renlokdaksüba nung tongtipang shilem agir aser lanurtem ya asen tarutsü lir, ta Kataria-isa ashi.

Nagaland sorkar school nung Class 8 tashi fee kecha magitsü

Kohima, February 2, 2024 (DIPR): Nagaland nung sorkar school (GHSS/GHS/GMS/GPS) ajak dang June 17, 2022 nü Fee Structure sangdong agütsüba nenshir ta School Education Department-i metetdaksüogo.

Sorkar school ajak nung Class 8 tashi kaketshirtem dang Admission Fee aser Exam fee kecha memeshitsü saka RTE Act,

2009 nung aliba ama NBSE nem dang fee agütsütsü ta Department-i Hokolbarnü ashi.

Arts & commerce streams nung computer/Informatics practices agir Class 11/12 kaketshirtemi tsünglanglen agüja aliba fees dak alia Rs 300 Laboratory fee agütsütsü. Ano Geography subject azüngba Arts kaketshirtemia tsünglanglen

agüja aliba fees dak alia Rs. 100 agütsütsü.

School Management and Development Committees (SMDCs) ajanga latetba jenjang nung uniforms, T, Shirts, Neck Tie, Belt amala ayoktsü aser NBSE-i mapang shia fee melenshiba sangdongtem agütsütsü ta School Education Department-i ashi.

SNo. Particulars	AMOUNT							
	Class 9	10	Class 11			Class 12		
			Arts	Com	Sc	Arts	Com	Sc
1 Admission Fee	100	100	200	200	200	200	200	200
2 School Maintenance Fee	300	300	300	300	300	300	300	300
3 Games & Sports Fee	150	150	150	150	150	150	150	150
4 Library, News Paper, School Magazine	100	100	200	200	200	200	200	200
5 Identity Card	100	100	100	100	100	100	100	100
6 internal Examination Fee	300	300	400	400	400	400	400	400
7 School Diary/Calendar	50	50	50	50	50	50	50	50
8 Laboratory Fee	150	150		1500			1500	
9 First Aid	50	50	50	50	50	50	50	50
10 Students' Welfare	100	100	100	100	100	100	100	100
11 Co-curricular Activities	200	200	300	300	300	300	300	300
12 NBSE Registration Fee	-	-	400	400	400			
13 NBSE Question Paper Fee	700	700	900	900	900			
Grand Total	2300	1600	3150	3150	4650	1850	1850	3350

Centre-i High Court 6 nung Chief Justices shimer

New Delhi, February 2, 2024 (Agencies): Centre sorkari High Court trok nung Chief Justice shimba osang metetdaksüogo.

Gauhati, Meghalaya, Rajasthan, Uttarakhand, Orissa aser Allahabad nung aliba High Courts nung Chief Justice tem shimba osang metetdaksü.

Gauhati High Court nung Vijay Bishnoi-i Chief Justice inyaktü aser S Vaidyanathan-i

Meghalaya High Court nung Chief Justice inyaktü. Vijay Bishnoi ya tang Rajasthan High Court nung judge aser S Vaidyanathan ya Madras High Court nung judge lir.

Külen, Rajasthan High Court nung acting Chief Justice Manindra Mohan Srivastava-i kasa high court nung Chief Justice inyaktü.

Punjab & Haryana High Court

nung acting Chief Justice Kumari Justice Ritu Bahri-i Uttarakhand High Court nung Chief Justice inyaktü shim.

Maneni, Patna High Court nung judge Chakradhari Sharan Singh-i Orissa High Court nung Chief Justice inyaktü shim.

Tatamsa Rajasthan High Court nung judge Arun Bhansali-i Allahabad High Court nung Chief Justice inyaktü.

DMC-i tang mezüing atema segregated waste bendener



Dimapur, February 2, 2024 (TYO): Dimapur Municipal Council (DMC)-i tang mezüing atema jana timi endoktsü aser recycling asütsü atema kilen shia jana bendenba mapa tenzükogo.

"Dimapur yimti merüka ayutsü atema mapa tajung aika inyakdar. Ajisüaka iba mapa ya DMC tebilemtsü dang masü saka

senso ajaki longjemer inyaktü" ta Labour & Employment, Skill Development & Entrepreneurship and Excise Advisor Moatoshi Longkumer-i ashi.

"Nisung aika dak civic sense

mali anungji tarutsü nung asen loktiliba ung civic sense alitsü atema nübertem nem shisatsü agütsütsü nungdaker. Dimapur nung alirtemi tebilemtsü bena alitsüla aser Dimapur tajungtiba kümdaksütsü atema asenok libaliro melenshitsüla" ta Moatoshi-isa ashi.

"Dimapur Ward 11 nungi jana bendanger door to door collection tenzükogo. Iba ward nung Riverbelt colony aser Duncan bosti dena lir" ta DMC, Administrator W Manpai Phom-i ashi.

"Iba mapatong ya takok ngua

inyakra tarutsü anogotem tanüngba ward ajak nung inyaktü DMC sentong lir. Sensotemi amalitepa ajanga Dimapur ya zero waste aser garbage free city ka akümtsü" ta Manpai-isa ashi.

Dimapur kübok colony/wards nung segregated wastes bendentsü atema gari tilala pezü sensütsü aser traffic nem timtem magütsütsü, ta paisa shisem.

Iba sentong nung Dimapur Deputy Commissioner Tinojungshi Chang-ia nisung ajak dang DMC den amalitep alitsü aser yimti merüktetba nükdjiong atongtsü ayongzük.

TSEMINYU TOWN AO BAPTIST AROGO

Golden Jubilee nung arua adentsü Arogoi pelashishia jaoker

Tseminyu Town Ao Baptist Arogo ajanga asen Aor/ Aotsür-tem Tseminyu nung lir aoertem, nenok ajakbo onoki kong alir memetet, anungji asen Arogo Golden Jubilee 10th -11th February 2024, Anogo nung amongtsü lir, anungji iba sentong nung arua adentsü Arogoi pelashishia jaoker, nenok arua adenba ajanga tali temoatsü anguba mapang asütsü. Tanentsü asoshi Arogoi ajak renemja lir.

Kanga pelar

Kibuba nung tenzük

Mr. I. Anung Lemtur

Pastor

Ph. No : 9612809228

Mr. R. Imlisunep Ao

Jubilee Convener

Ph. No : 8732004533

Mokokchung nung State Handloom Expo kadagi



Imkongmeren Sports Complex Mokokchung nung State Handloom Expo (SHE) Hathkargha Mela Directorate of Industries & Commerce, Nagaland, Director Wb.A.Temjen Jamir-i lapoktsür kelen Mokokchung Deputy Commissioner, Thsuvisie Phoji, Ao senden lenirtem aser Industries & Commerce department ketdangsürtem külemi tangokba noksa ka yangi angur.

Mokokchung, February/ Tsüklai 02 (TYO):

Imkongmeren Sports Complex Mokokchung nung February 2 nü tenzüka State Handloom Expo (SHE) Hathkargha Mela ta sür Directorate of Industries & Commerce, Government of Nagaland-i ayongzüka aser Development Commissioner (Handlooms), Ministry of Textiles, Government of India ajanga teyari agüja nungita tenzüko.

Tanü iba State Handloom Expo, Hathkargha Mela ya "My handloom, my pride" omen nung ajemdaker agia aotsü asoshi Directorate of Industries & Commerce, Government of Nagaland, Director Wb.A.Temjen Jamir-i lapoktsüo.

State Handloom Expo ya February 15 tashi anepdang 10 nungi nikongdang 5 ako tahi agia aotsü aser iba expo nungya stalls ajak agi 60 lir aser item rongnung Mokokchung district nungi 30 aser Nagaland state nungi 30 aser tanga state-tem

nungi 40 ta aruagi shilem agia dendagi.

Iba Expo nungya kija aser telok balalai pei sasa pei teka agi mejitetba aser taktetba osettsüset aser süoshitem tajung aika lir, iba den külemi pi bendang lima nungi bener aruba süoshi aser tagitarutsü oset aika lir.

Tanu iba handloom expo nung akaba teka agi inyaktetba süoshi aser osettsüsettem tongti tesemdanger Directorate of Industries & Commerce, Government of Nagaland, Director Wb.A.Temjen Jamir-i repranga sema jaja aser paisa stall nung amenertem ajuru aser kelen osang zülurtem den jembiba mapang nung asen nüburtemi asen sübosolemtsü aser osettemji nungo ama amshir, anungji asen nüburtemi renemtetba süoshi aser osettsüsettemji junga renemtettsü kanga dang nungtaker, kechiaser tang yanglua aser renemteteter aliba süoshi aser osettemji kanga jungrarabo masüta temelung

masüba olen ka ashi.

Iba ama expo akaba ajanga nüburtemi pei-i inyaktetba osettem pei senpet amshia pei sasa inyaktetba nung sen ahzüksü maongka tajung ngutetba mapang ka lir, anungji iba ama mapa inyaktetetermibo iba ama expo akaba mapang nung maongka agitsü kanga dang nungtakerta Industries & Commerce, Government of Nagaland, Director Wb.A.Temjen Jamir-isa lemsatep.

Mokokchung nung State Handloom Expo (SHE) Hathkargha Mela sentong tulu katettsüsa Ministry of Textiles, Government of India ajanga nungitba den külemi Mokokchung Deputy Commissioner aser Administration aser Mokokchung nung aliba Industries & Commerce-i maparen ajak nung nungitba asoshi Industries & Commerce, Government of Nagaland, Director Wb.A.Temjen Jamir-isa pelaba lemsatep.

CM Neiphu Rio aser K Therie nati Hokheto Zhimomi asükhü lemsatep

Dimapur, Tsüklai/February 02 (TYO): Nagaland Chief Minister Neiphu Rio ajanga Tovihoto Ayemi dangi shiti ka züluba nung 3rd, 5th, 6th aser 7th House of the Nagaland Legislative Assembly nung züngsem aser minister inyaksang Asür Hokheto Zhimomi asüba osang angashia na aser kinungertem den asükhü lemsatep, ta ashi.

Pa tanü nikongdang Zion Hospital nung cardiac arrest ajanga asübang osang angashia ni kanga jashir, ta CM Rio-i ashi.

Asür Hokheto Zhimomi-i Nagaland nung aliba nüburtem bendanga agütsür tenzüka ya region indang yimtenren tsütsü aitoktsü makokba temaitsü ka lir. Pai anibelem mesasai nübur ajungtsü asoshi inyakba ajaki bilemtettsü.

Iba ama mangyim tejashi mapang tepang o agi nenok mulung mesüngzüksütettsü. Ajisüaka ozü sarasadem nenok den lir. Pai mapa tajung inyaka yutsüba bilemtetdang nenok tashi itshitsü aser asür tanüla teti tatem maka tesunep nung anisüngzüksü sarasademtsür, ta Nagaland CM-i ashi.

Former minister aser NPCC indang former president, Hokheto Sumi asüba osang angashia temulung shiranger. Asür Hokheto Sumi den küti tambosang ama ni tesendaktep aliba kisung masü saka ozü kibonga pa den külemi liogo, ta minister tejen K Therie-i sangdong ka nung ashi.

Asür Hokheto Sumi ya ochishir nisung ka liasü aser pai nübur ajungtsü asoshi bendanga agütsür anibelen

mesasai inyak. Pa lenir tajung ka liasü aser tamang katetba nisung ka liasü. Pai kodanga pai jembizüka yokba o nungi masetshi aser pai bendanga agütsür nüburtem tenzüka ajanga Nagaland Legislative Assembly nunga kümsük pezü tashi pa nüburtem tenung nung mena liasü, ta K Therie-i ashi.

Congress party nunga Asür Hokheto Sumi-i shilem tajung agia liasü aser tir ka ama 2004 nungi 2008 tashi inyak. Pai party asoshi bendanga agütsür inyakba teti bilemtettsü.

Kü kinungtsü küna den kinungeri mangyimer kibong den asükhü lemsatep. Tulusang Tsüngremi nenok nem tashi tasen aser anisüngzüc agüjangma aser asür tanüla teti tatem maka tesunep nung anisüngzücjang, ta Congress lenir K Therie-isa ashi.

Mokokchung nung Sector Magistrates atema training agütsü

Dimapur, Tsüklai/February 02 (TYO): Aruya aliba 2024 Lok Sabha Election atema terenemshiba ka ama Sector Magistrates asoshi DC Conference Hall, Mokokchung nung February 2, 2024 nü training session ka ayongzüka liasü.

Iba sentong nung Additional Deputy Commissioner, Mokokchung, Chumlamo Humtsoe-i pela agizükba o jembiba aser Assistant Election Officer, Mokokchung, Renben Mozhui-i election tajungtiba nung agitettsü asoshi Sector

Officers inyakyim tongmelang agi rasaa ashi.

Paisa EVM demonstration aser SVEEP atema awareness sentong ayongzüksü nungdak ta ashi.

Aruya aliba election atema Sector Magistrates asoshi ibai training mezüngbuba alitsü.

Iba training nung Master Trainers ya Mesutoba Ao, Assistant Prof., Fazl Ali College, Mokokchung aser Wabang Mollier, PGT, Mayangnokcha Government Higher Secondary School, Mokokchung liasü.

Kohima Press Club ajanga asükhü lemsatep

Kohima, Tsüklai/February 02 (TYO): Kohima Press Club züngsem Shekali Holo tetsü Tovili Holo arishi küm 59 lia February 2, 2024 nü asüba osang angashia temulung khuremer, ta Kohima Press Club sangdong ka ajanga ashi.

Taoba küm Asür Tovili Holo dak tashidak putetba sülen lai tamang akanga tashidak den rara. La New Delhi nung aliba mozüki ka

nung temang anepalua liasü aser tanü kidangi meyipa shilangba mapang asü.

Kohima Press Club kibong-i la asüba mang ayimer aser mangyimer kibong den asükhü lemsatep.

Nütsü temeim bilemteta nenok mulung anisüngzüksü onoki sarasademtsür. Asür tanüla tesunep nung anisüngzücjangma, ta KPC sangdong ajangasa ashi.

Phek len senzüsemponger asoshi tekumdangtsü metetdaksür

Dimapur, Tsüklai/February 02 (TYO): Phek district kübok NH-29 nung aliba Ch:38.145 (Kohima-Jessami road, Package-II) nung apu tilaka yanglushiba mechi February 2 nungi tenzüka February 16, 2024 tashi iba lenmang nung

gari tulu senzütsü khenyongi memelar, ta Deputy Commissioner, Phek, Kuko Mero-i sangdong ka ajanga ashi.

Iba sangdong sülen nübur ajaki tashi anga anidaksü metetdaksür, ta sangdong ajangasa ashi.

AAPCC tekülem sentep alitsü

Dimapur, Tsüklai/February 02 (TYO): Alumni Association Patkai Christian College (AAPCC) puri küm shia February ita nung mezüng Deobar ya Alumni Sunday ama amunger.

Yamaji AAPCC ajanga February 4, 2024 anepdang 9:30 ako nungi tenzüka Bunrock Chapel nung anepdang tekülem sentong agitsü.

Iba sentong nung tongti o jembir ya Dimapur Ao Baptist Arogo (DABA) indang Mission Director aser college indang alumni, Jongshimanen alitsü.

Iba sentong nung MSSM choir nungi ken ka atentsü aser ano sentong nung shilem balala alitsü.

AAPCC ajanga college alumni ajak iba sentong nung arua shilem agitsü ayongzüko.

DIPR nung Film Appreciation Course tembangogo

Dimapur, Tsüklai/February 02 (TYO): Film & Television Institute of India (FTII) ajanga Directorate of Information & Public Relations den lungjemer DIPR Conference Hall, Kohima nung anogo pungo Film Appreciation Course nung training agütsüba February 2, 2024 nü temogo.

Iba training tembangba sentong nung jembidang shisalen sayur Niyaz Mujawar-i visual art nungi pei shisatsü angazüksü kanga tongtipang lir, ta ashi.

Küm ana tashi department

den lungjemer maparen balala inyaka aruba atema Joint Director IPR, Asangla Imsongi FTII nem tenüngsang agütsü aser tarutsü anogotem nunga külemi teka amteper inyakttsü yongya atar ta ashi.

Anogo pungo course agiba mapang kaketshirtem dang cinematography, sounds, lighting aser editing amala film yangluba yimya balala sayua liasü.

Iba sentong nung state tesem balala nungi film yanglurtem aser film janngartem arua dena liasü.

NATIONAL ROAD SAFETY MONTH, 2024
 Ministry of Road Transport & Highways (MoRTH)
 &
 Motor Vehicles Department, Nagaland
 Present
ESSAY WRITING COMPETITION
 Topic: "ADDRESSING ROAD SAFETY IN NAGALAND"

Open for All Age Group

PRIZES
 1st ₹ 10000 2nd ₹ 6000 3rd ₹ 3000
 Consolation prize of Rs. 1000/- each will be awarded to the 4th, 5th & 6th Best Entry.
 Best two entry will be published in Local Dailies.
 To be submitted online at: nrsnagaland@gmail.com

Last Date of entries is **7th February 2024.**

- Length of Essay: The Essay shall not be more than 2000 words and less than 1900 words.
- Only Original essay will be considered for the competition.
- Submission must be in PDF format.
- Participants must include Name, Address, E-Mail ID, Contact number.

Champai Soren-i Jharkhand Chief Minister tenangzükba agi



February 02, 2024 nü Ranchi nung Jharkhand Angh, CP Radhakrishnan aser Jharkhand Chief Minister tasenba, Champai Soren na tangokba noksa nung angur.

GOVERNMENT OF NAGALAND
DEPARTMENT OF AH & VETERTINARY SERVICES
 NAGALAND, KOHIMA
DECLARATION OF RESULT

NO.VET/EST/APP/222/2022-23 : In pursuance to the Advertisement NO. VET/EST/APP/222/2022-23/3144-47 Dated Kohima the 8th Nov. 2023 and Administrative approval conveyed vide NO.AHV/EST-1/2/2010/869 Dated Kohima the 24th Jan.2024, the result of 8 (Eight) posts of Driver under the establishment of AH. & Veterinary Services Nagalandis declared as below:-

SL/NO.	NAME	ROLLNO	RESULT IN ORDER OF MERIT
1.	ZAVITO NEIKHA	177	1st vacancy
2.	S. SHANYEI KONYAK	51	2nd vacancy (BT Konyak)
3.	ZACHAMO N EZUNG	03	3rd vacancy
4.	KHEKAYI SUMI	179	4th vacancy
5.	HAMMOI	265	5th vacancy (BT Phom)
6.	KEZHAMEDO VUPRU	64	6th vacancy
7.	H. LONGTISE ANAR	196	7th vacancy (BT Sangtam)
8.	K. VIKISHE SUMI	178	8th vacancy

SD/- (DR. ACHILA AO)
DIRECTOR, AH. & VETERINARY SERVICES
NAGALAND, KOHIMA

New Delhi, Tsüklai/February 02 (Agencies): Hokolbarnü Ranchi nung aliba Raj Bhavan nung Jharkhand Mukti Morcha (JMM) lenir, Champai Soren-i Chief Minister tenangzükba agiogo; pa state nung chief minister 12buba asütsü.

Pa den külemi Alamgir Alam aser Satyanand Bhokta natia minister tenangzükba agi. Ali ochimashi ken o ka dak sendakba nung Enforcement Directorate (ED)-i Chief minister, Hemant Soren aputsü lia pai CM menden nungi anena liasü; iba sülen Brihostibarnü -i Champai-i state Angh ajurua sorkar akümtsü asüngdang.

Brihostibarnü Jharkhand Angh, CP Radhakrishnan-i sorkar tasen akümtsü atema

Champai Soren Raj Bhavan-i jaok. JMM lenir, Hemant pusemsang, Champai Soren dang taruba anogo 10 tsüngda assembly nung menden abensaa aliba sayuang, ta tuyuogo. Brihostibarnü Champai Soren den MLA 43-i Jharkhand Angh ajurua sorkar akümtsü asüngdangba sülen anogo ka dang lirbo Champai-i CM tenangzükba agi. Taoba CM Hemant Soren-i Supreme Court dang Enforcement Directorate-i pa apuba anema pai mepishiba ken o angadangtsü asüngdanga liasü saka Supreme Court-i magizük. Bodhbarnü Directorate of Enforcement (ED)-i Hemant Soren dang ghonda trok asüngdangyaba sülen kasa aonung pa apu.



February 02, 2024 nü Thiruvananthapuram nung Kerala state assembly senden tagidak mapang United Democratic Front (UDF) MLA temi Gandhi kürakyanglu anasa longkak aйдang tangokba noksa nung angur.

LS election nung Congress-i menden 40-a mangutsüa akok: Mamata



Kolkata, February 02 (Agencies): West Bengal nung Lok Sabha election nung Trinamool Congress-i tangar den meloktepi tokteptsü, ta sangdongba sülen anogo ishika lir Hokolbarnü Trinamool Congress tongti aser West Bengal Chief Minister, Mamata Banerjee-i, taruba Lok Sabha election nung Congress-i menden 40-a mangutsü akok, ta ashi.

West Bengal kübok Murshidabad nung jembidang Congress party aija Mamata Banerjee-i, "Congress, nenoki menden 300 nungi menden 40 nunga takok angutsü asü mangutsüar ni memetet. Kechiba mezümekümer? Nenok Bengal-i aru, asenok INDIA teloktep nung lir. Kü nem-a metetdaksütsülia liasü. Administration ajanga dang ni iba osang metet. Nenok tasütait süra nenoki Varanasi nung BJP tamakok ngudakjang. Nenoki tamalen akokba tesem nunga nenoki tamakok angur," ta ashi.

Rahul Gandhi-i aniba 'Bharat Jodo Nyay Yatra' West Bengal nung agiba dak sendakba nung Congress party aija Mamata-i, "Tang 'style' tasen ka jungkai adokogo, noksa tangokba. Süngo ayokba dokan kati-a moudangertemi tangbo beri yanglurtem den külemi amener. Parnok ya metsüh-ozü amai lir," ta ashi.

Taruba Lok Sabha election nung BJP anema longjemer tokteptsü atema tentetba INDIA teloktep nung Congress aser Trinamool Congress naprongla densema lir, ajisiüaka aitsütepa arudar.

Party ana tsüngda aitsütepa aruba sülen tesüsa Mamata Banerjee-i, lai West Bengal nung Congress nem menden ana lemsütsütsü melunga lir ta metetdaksü, ajisiüaka anogo ishika dang lirbo lai Congress sendok.

Tamalen Trinamool Congress-i West Bengal nung 2019 küm Lok Sabha election aser 2021 küm West Bengal nung Assembly election nung party temi inyaktetba sasep nung ajemdaker party tem tsüngda menden lemsatsüla, ta jembia liasü.

Mayor election anema AAP-i longkak ait; SC-i ken o angadangtsü

New Delhi, February 02 (Agencies): Tawa Chandigarh assembly election agiba dak sendakba nung Aam Aadmi Party (AAP) aser Bharatiya Janata Party (BJP) na aitsütepa mapang ka nung Delhi Chief Minister, Arvind Kejriwal aser Punjab Chief Minister Bhagwant Mann na leniba nung AAP-i election nung BJP-i tim mesüi inyaker, ta tai tonglokja longkak ait tenzükogo.

Mayor election nung BJP-i tim masüba maparen inyak, ta Arvind Kejriwal-i tai tongloksür.

Delhi nung BJP aser AAP na tsüngda aitsütepa mapang nung tensa meraksatsü atema Chief Minister ki aser party headquarters nung security akangshiogo. Delhi tesem balala nung AAP aser BJP pusemertem adenshia peipei party wako ayipshiba den külemi ozülu balala amer jajar aser kati ka anema yimyim ayimer.

Punjab-Haryana arrtsülen police-i AAP nung inyaker 25 puogo aser yimti telungi aitba gari ajak mita repringdar. AAP office anasa gari junga mesenzüteter aser tensa aziüktsü atema AAP office anasa security sepai meyirjang aika lemsükja lir.

Delhi Education Minister Atishi aser Health Minister Saurabh Bharadwaj natia tawa Chandigarh mayor elections nung BJP-i ashikülak mapa inyakogo, ta tai tongloksüogo.

Mongolbarnü Chandigarh mayor election nung vote shilem pezü nungi shilem ka ashishia magiba sülen BJP-i iba election nung takok ngua liasü.

Aam Aadmi Party (AAP) councillor, Kuldeep Kumar-i Chandigarh nung Mayor election tanaben agishitsü mepishiba ken o Supreme Court-i angadangtsü melungogo.

AAP aser Congress nati, vote kar raksatsüba ajanga Kumar-i election tanaben agishitsü atema Supreme Court nem temepishiba agütsütsüsa aküm, ta metetdaksü.

Chief Justice of India (CJI), Dhananjaya Y Chandrachud den justice ana- JB Pardiwala aser Manoj Misra nungeri akümba bench-i, iba temepishiba ken oji angadangtsü, ta shiogo.

Senior advocate, Abhishek Manu Singhvi-i, returning officer Anil Masih-i tim mesüi benshiba video ka metetdakja Supreme Court dang, "Iba ya süoki ia agitsüla. Onoki iba ken o ya rongdak süa angadangtsü mepishir," ta metetdaksü.

Kuldeep Kumar ya AAP aser Congress atema külem mayor candidate liasü. Returning officer Anil Masih-i vote 8 bo 'magila' ta sangdongba sülen Kumar-i vote 12 dang angu. BJP candidate Sonkar-i vote 16 ngua liasü.

AAP aser Congress senteper councillors 20 liaka BJP-isa senior deputy mayor aser deputy mayor menden-a angu.



TIR YIMYIM YIMOBILEM (EDITORIAL)

DIMAPUR

KÜPTOKNÜ

TSÜKLAI 03, 2024

Govt school-tem reprangshir

Nagaland tajungba akümtsü atema teinyaktsü aika lir saka kangasa rongdak nungdaka inyaktsüba mapa ka asen government-i inyaka angubaji government school-tem reprangshiba sentong ya asütsü. Iba sentong ajanga government schook kongsa tazüngerbo mali ser tesayurtem yoka lir, item school-temji shibangtsü aser tesayurtemji tazünger aliba kaketrejutemi yoktsü. Ano, government school koba nungsa tazünger ishishi dang lir, item school-temji ka kuma lokteptsü, anungji tesayurtemji tanga nungdakba school-temi yoktsü. Atangji, government school ka lapoka aliba shibangtsüsbaji temela masü, ibaji yangji alir yimtenia memulungtsü aser MLA asoshia pelashishia inyaktsüba mapa kabo masütsü. Ajisüaka, tazünger kata maliba kaketrejuji kechi sütsü ? Aser tazünger kata mali ser ita sen chia tesayur mapa inyakba taküm otsü nungji kechi jangratemtsü ali ? Anungji, Nagaland nung government school-tem lapoka langa, akhidang amato, angati kaketshisatsü tajung agütsütettsüsa government-i tang inyakba amai reprangshia temelenshi tajung tuluka bener arutsü nungdaker. Atangji, government school nung tazünger maliba tebilemstü dang masü saka government school kar nungbo tazüngerbo lir ser nung tesayur peria magütsütetba government school-tema lir. Item tebilemstüji government schools aser Education Committee-tem nungi tenzüker masü saka Nagaland School Education Secretariat aser Directorate nungi tenzüker. Ashiko, Nagaland School Education department-i tang Nagaland nung government school kwiar meshitetsüa akok mesüra government school-tem nung tesayur ajak agi kwiar meshitetsüa akok ! Asenok yamaji dang zübazülema sen dang ngura ojang ta ser ketdangsüa aruba lima lir. Aji oda, pei alidak tesem nung pei chirnurtem angati kaketshisatsü tajung ngudaktsütsü tangatetba nung government school shia nung yangji telidak purtem rongnungi lenirtem shimteta Education Committee kibur kümdaktsü. Ajisüaka, school kar nungbo tazünger mali nungji Education Committee-i tesayurtem ita sen lemdanga agiba otsüa angashir. Ano, school kar nungbo Education Committee-i nokdangtsü melen ita sen lemdanga agir proxy tesayur airdaktsür. Iba jagi tim masüba mapa onsara nungji kobalenanga menokdangtet, government school agi government-a nümamedangtettsüa kümdaktsüogo. Item timtem aser takoksatem ya kokteta Nagaland nung government school-temsa tajungba ta sütettsüsa inyaktsüsbaji Nagaland Education department nung mangdang tajung aser tangatetba aser temetetba aliba yimsüsür aser ketdangser nungdaker. Nagaland nung government school majung akümbaji election temer government nung alirtemi tesayurtem transfer posting agi kar merenshir aser kar peladaktsür ta asüba nungi tenzükbba lir. Iba denji ano tesayurtem shimba mapa nunga, jungjunga tendanger shim masü saka election nung yariba melen tesayur mapa agütsüba nungi government school tesayurtemji mezüngmeshia amshi aser tendanger shimba masü saka mashilen nungi shimba asüngnungji meramaket aküm. Aji oda, tesayur mapaji election nung nisung ka yariba tsüda angur amai akümnungji, tanurtem dang lesson nendaka sayua asüng asen lima tajung kümdaktsütsü nükla nung masü saka ita sen achitsü atema tesayur mapa inyaktsü tenzü. Kasaji, government-ia middle school ajak high school kümtsü saka high school ajangtetertem azüngtsü atemabo Higher Secondary school melapoktsü. Iba timtem jagi tanü high school kar nung tazünger mali aser kar nung kaketshir ishishi dang lir, kechiyong yim aser kiyong ajak nung high school lir saka ano Higher Secondary-bo mali timtemer. Aji oda, asenok Nagaland School Education department nung sentong yanglurtemia anarongdena class 10 tashi-ang sentong yanglutetter. Timtem ajak yangji sendaka lir.

OLEMSABANG

Asen ajanga lokti ajangzükdaktsür asü akoksadaktsür ?

L. Kika Pongener

Alima nung alidang mimchir taküm kaji kija alir masü loktiliba den sendaktepa alir. Alima nung tatsüka alidang mimchir taküm kaji pei kija dang atsükpanger lira, alima nung tali meshizük asütsü. Nisung kaji tashitemeteter asütsü akok, mashi-malu ka asütsü akok, takar-tulur asütsü akok, mesura sensaker-tilar ka asütsü akok. Aji oda, kechi komala jenjang ka sudir suang, pei sempet aser pei tashi yari loktiliba nung shilem agia sendaktepa lira, alima nung tatsüka alidang, pa/la alibaji tangar-ia metettsü aser pa/la-a jangradema alitsü. Asenok alima nung arishi kopika lidir liaka, asenok alibaji tsüngsu-mong kaa aser metet-meteta alitsü kanga tongtipang. Asen Aor shin o ka..."Akümlir-ia ogo ta...Saka asür-ia maru-a"...ta jembir. Tetezü...pa/laji akümlir-ia mezüngoker aser asür-ia mezüngoker. Shiruru rongnung 'Lah' ozü-sangnu rongnunga mezüngok aser tetsüng adenba shiruru rongnunga mezüngok ta otsü jembir. Asenok kechi komala jenjang ka sudir suang, alima nung taküm tatsüka alidang iba ama takümji malitsüla, saka asen alibaji metet-meteta dang alitsüla.

Tsüngremi nisung shia nem sempet balala lezmüktsü, kari ken kanga junga atener, kari o tsüngro songa jembir, kari kanga junga sayutsüngir, kar nem shisatsü tarok, kar nem lennitsü sempet, kar nem ketdangsutsü aser kar tenya ashi anga-a tenzüksüba sempet lezmüktsü. Ano Tsüngremi nisung shia nem tia balala lezmüktsü, kar takar, kar sensaker, kar tulur, kar tilar asütsü, yamaji tia balala lezmüktsü. Anungji shiba kechi tia lezmüktsü, ibajagi tenük sunger pei sempet tamshi shia amshitsüla aser pei jenjang meteta libaliro shia lira, alima nung taso-a shizüka jangradema alitsü. Ajisuaka, pei sempet mangateti, tangar dak aketba sempet nung tenük tenükmerema aser mokokachia lira, asen takümji tali meshizük teti mepelai alitsü. Tsüngremi asen nem lezmüktsüba tia aser jenjang mangateti talila merumeroa lira asenok kodanga pela-a malitsü. Nisung ajaki na aser ni-ji shiba...??? Kechi komala jenjang ka...??? Aji kanga junga meteta alitsü kanga tongtipang lir.

(Maneni asüng adok nung...)

Mapa tajung inyakra alima nung arishia junga alitsü

L. Kika Pongener

(Yashi adok nungi...)

Aji oda, tanu lima nung, nisung karbo mesenmetoa, mezüngmeshia, kecha nunga mezüngoki sentoka yutsütsü akok, saka ashiko, ajemalua tila kümer Tsüngrem tsüngken tsübuwa taküm junga litetra, chirnur aser semchi-semnur mapang nungbo tangar ama loktiliba ajunga nung atongoka alitsüsa mapangi bentsür arutsüa shibai metet, kechiyong asen mimchir ya melentepa aliba lima nung alir. Ajisuaka, ano tanu jenjang tera junga lir ta ser...Mesura nutsüng-nubu aika lir ta ser... Tangar mezüngok ozü sur shir...??? ta tenük amour tangar mongui tain mazü inra...Ashiko, mapang kabo tangar küpok alitsüsa tensa mapangi bentsür arutsüa shibai metet...!!!. "Temeshibai kin ka ajungkettsür; saka kechi kin sudir suaka, temenenji taktsüka lir" (A.Shin-14:34). "Pai (Tsüngremi) ajemalur temeden lenmang nung anir aser ajemalur dang pai lenmang sayur" (T.Ken-25:9). "Saka ajemaluri alima senmang amangtsü; aser yimjung tulu nung pelateptsü" (T.ken-37:11). "Kodang asüküm arur; idangji maaksu arur" (A.Shin-11:2). "Asüküm agi teraksa adokdaktsür; aser ngasangadem agi ludaktsür" (A.Shin-16:18). Koba kin sudir suaka, Tsüngrem mulong achitsüsa ajemalua tila kümer aser Tsüngremi pelatsüsa mapa tajung inyakra, nisungi mezüngokyongjia Tsüngrem-ibo mezüngdoki züngshitsü. Aji oda, Tsüngremi züngshibajisa ajak dang jenjang tulutiba asütsü. Anungji nisungi nguaka mesura monguaka, ochishia mapa tajung inyaktsüla. Ajioda, aseni inyakba mapaji nisung tsüngdang temeden angutsü atema masü...Saka Tsüngrem tsüngdang temeden angutsüsa mapa tajung inyaktsüla. Aji oda, sura alima nung arishia, taso shizüka alitsü, aser asen chirnur aser semchi-semnuri iba senmang tajungji amangtsü, aser iba temoatsü sungjangji ongzüka achitsü. Shirnoki Tsüngremi sakloktsüsa taküm junga liteter, parnok dak nungjagi watsü-wabong tajung alima lennir jenti soyapokya-a rena odaktsütsü.

Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger angateta agitsü mepishir

NBCC 23buba Triennial Conference tenzükogo



February 2 nikongdang Sumi Baptist Akukuhou, Niuland nung NBCC General Secretary, Rev. Dr. Zelhou Keyho-i wako asongdang tangokba noksa nung angur.

Dimapur, February 02 (TYO): Nagaland Baptist Church Council (NBCC) 23buba Triennial aser 87buba lokti senden February 1 nü Sumi Baptist Akukuhou, Niuland nung tenzükogo, ta NBCC Media Team-i sangdong ka ajanga metetdaksü. Iba conference ya 'Experiencing God Together'

omen nung ajemdaker agir. Anogo pezünü sentong ya Western Sumi Baptist Akukuhou Küqhakulu (WSBAK)-i ayongzüka agir. February 2 nikongdang NBCC General Secretary, Rev. Dr. Zelhou Keyho-i wako asongba sülen Person With Disability (PwD) ka leniba nung Tenla kidangi ao; koba temaitsü

matamabensartema kasa züngokba lir, ta sangdong nung shia lir. Mezüngbuba tekülem sentong nung NBCC Tir, Rev. Dr. Atsi Dolie-i omen nung ajemdaker Tsüngrem O jembia liasü. Iba sentong nung nisung 670 shilem agia dendar aser iba sentong ya February 4 nü tembangtsü.

Khristan film 'The Hill' ajanga Netflix nung No. 1 jenjang atong

February 02, 2024: Khristan film 'The Hill' ajanga Netflix charts nung temaba jenjang (No.1) tongtetogo; iba film ya ita pongu tejaklen theaters nung sayaa liasü.

Iba film ya chichiba otsü nung ajemdaker yanglu aser iba film nung Dennis Quaid-i tongti shilem agia lir.

January ita tatembanglen iba film ajanga Netflix indang Top 10 movie chart nung mezüngbuba jenjang atong aser Brihostibar (February 1) nunga jenjang 5buba nung liasü.

Yaküm August ita nung iba film theaters nung sayaba sülen taküm January ita nung Netflix nunga saya. Anogo 6 nü tashi iba film ya Netflix indang Top 10 movie chart nung mezüngbuba jenjang nung liasü aser tang jenjang 5buba nung lir.

Iba film Director, Jeff Celentano-i Instagram ajanga, "Tejembitsü kecha mali! America nung Netflix # 1 film lir! Nenoki maneni nungitba atema pelar," ta lemsatepa liasü.

January 27 nü The Hill film ajangsa Family Film & TV

Awards nung Best Family Feature Film award ngua liasü. Iba film ajanga Barbie, Guardians of the Galaxy Vol. 3, Indiana Jones and Dial of Destiny aser Shazam! Fury of the Gods ajanteta liasü.

The Hill film ya tebur chanu ka, Rickey Hill indang chichiba taküm otsü nung ajemdaker yanglu. Rickey Hill ya tasodangyongi tongtoret nung tashidak keter aso, saka pai lung aser ajok ka amshia baseball 'practice' asüba ajanga pai iba asaya junga asayateter.

School nung par class purtemi pa kanga mezüngmeshi saka pa tebu Baptist pastor-i pa ajungmesoa liasü. Tesüsa pa baseball asayar mongin ka aküm.

Iba film nungsa Quaid (Blue Miracle, I Can Only Imagine) aser Colin Ford (Walker, A Thousand Tomorrows) nungeria tongti shilem agir.

Celentano-i iba film yanglutsü atema küm 17 tashi agia liasü.

Celentano-i, "America tesem ajaklen tanurtem pei

medemertemi mezüngmeshir aser asayamenütsür, ajisüaka pai (Hill) menürem dang menürem aser pai ajak meima liasü. Talisa pai Tsüngrem dak tamang katetba ajanga pai takok angu," ta ashi.

Osangbener den jembidang Rickey Hill-i, "Nai nü taküm nung mezüngbuba küm ishika raratsüsa kümra nai taküm piyong raratsü. Ni ajak merandang. Ni inyaknüba ajakji ni tajungtiba nung inyaktsü merang. Tsüngremi iba tashiji kü nem agütsü. Kübui kü dang teti yamai ashi 'Tsüngremi nü nem tashi agüja lira nai ibaji amshitsüla, nai mamshira Tsüngremi tanaben nü dak nungi tashiji agentsü'. Anungji ni akokba tashi Tsüngremi agütsüba tashi amshia liasü," ta ashi.

"Ni tasodang nungi kü dak timtem liasü, ajisüaka ni iba nemji mekokdaksü. Ni tang tashi yangi lir aser kasa tamang lir. Iba ya tashi kanga tulu. Ni rara tajung raraogo, ni tamangji yuogo aser ni alizüng tonga asemogo," ta paisa lemsatep.

ANOGO ABEN TSÜNGREM DEN

Arung aser Ajiang

Aser parnoki pa dang ashi, Rabi... pai parnok dang ashi, Arung, aser nenoki angutsü. Anungji parnok aru aser Pa kechi nung ali angu aser panüji parnok Pa den ali. Yohan 1:38b-39

Asenok ajak dangi Khristan aini aoba otsü dang mejembitsü mapang ka arutsü. Iba indang dang jembiba jagi meperir. Asenoki aotsü apusotsüla! Khristan taküm nung sendakba indang asenoki ghonda aika agia jembitsü akok, saka asenoki shidakba Khrista sülen anidaktsü mapusora mapang intoka Khristan taküm nung sendakba indang dang jembiba jagi kecha masütsü!

Putu aika, Messia arutsü shisadanga liasü aser Israel kin ajanga shin. Yihuda nung rongnung Messia mapa yimya indang jembiba dang nungi tanga onük tali mejembi alitsü. Andiriai Yohan Baptitsüba nungi Messia arutsü indang angashi. Tang aoksa Pa ngunüa aliba nisung den tejak o tejak na chitepa angu! Andriai asüngdangnüa aliba asüngdangtsü Pa mulung dangi aru. Andria den theological topic jembitsü melen Yisui meyipa aotsü tenzük. Andriai asüngdangbaji O kisüng agi melangzütsü, saka len jajaba ajanga.

Khristan yimsüji angatetsü asoshi renema yuja alibaka masü. Ibai nübu ka sülen anidakba lir. Yisu den jajadang Andriai Yisui shiranger anebtsüba, Tsüngremer shisatsü sayuba aser Tsüngrem ain sayuba Andriai angu. Andriai Tsüngrem indang dang angazük masü shidakba nung Pai Pa metetta aküm! Lemjem nung na ne Kibur den noktaksü mapang arutsü. Tasüngdangba ajak kazü dang nungi, Yisui ne dang ashi, "Ne tsüngsem semokang, leman jagi atokang aser Kü sülen anidakang." Na anogo shia Yisu den jajadang, Yisui ne tasüngdangbatem langzütsü aser nai asüngdangtsü metetta aliba dang nungi timba nai angutsü.

Myanmar sepaitemi Chin State nung Tenla ki aika raksatsüogo

February 02, 2024: Taküm January ita nung Myanmar Witness teloki report ka ajanga yaküm March ita nungi August ita tashi nung Myanmar kitem raksatsüba osang tejangja metetdaksü.

Küm asem tejaklen Myanmar nung sepaitemi democracy sorkar atsüngdokba sülen tang tashi nung sepaitemi Chin State nung Tenla ki 67 densema Khristantem kiojen 107 raksatsüogo, ta Chin Human Rights Organization-i metetdaksü.

Taküm January ita nunga sepaitemi Sagaing Region nung Tenla ki ka rongdoktsüogo; iba Tenla kiji küm 129 tejaklen asüba liasü.

Sorkaribo Tenla kitem ya Khristantem maitsü ka ama züngshir aser pei ki toktsür jenshirtem anisüngzük angudak ama züngshir, ajisüaka sepaitemibo kecha tarendak makai Tenla kitem amaker, ta kasa report ajanga metetdaksü.

Chin state nung laishir kati, "Sepaitemi kecha tarendak makai Tenla kitem amaker, kechiyong onoki parnok yimsü

masü saka tanga yimsü benshir. Akhidang nungi onok (Khristantem) anema inyakba puti otsü lir," ta metetdaksü.

Tang Myanmar nung nütsüng shilem 88 Buddhists yimsü amangertem lir; nütsüng shilem 6 dang Khristantem aser nütsüng shilem 4 Muslim nungertem lir.

Myanmar Witness teloki Baptist Arogo pezü aser Presbyterian Arogo ka asadanga Chin State nung sepaitemi Tenla kitem raksatsüba jenjang asadanga liasü. Tenla kitem teimbaka bomb ajanga poksatsü aser tatalokba kar nungbo sepaitemi Tenla ki amakba sülen Tenla kidang nungi auyaba densema lir.

Armed Conflict Location & Event Data Project report ajanga-a 2021 küm nungi 2023 küm tashi nung Chin State nung Tenla ki 28 raksatsüba osang metetdakja liasü.

Kasa report ajanga, 2021-2022 küm Myanmar nung amakba Tenla kitemji teimbaka rongdoktsüba liasü aser 2023 küm amakba Tenla kitemji teimbaka bomb agi poksatsüba liasü, ta metetdaksü.



January 29 nungi February 01, 2024 tashi Ao Baptist Church Diphupar nung Duranno Mother School temoatsü nung agiogo. Iba sentong nung Dimapur Ao Baptist Arogo Women Ministry nungi Wt. Achila Longchar Women Secy.-i anir teyariteper par asem arua rongsen jenti tenla agüja Diphupar Arogo nung tetsü 41 nem tangazükba tulu agütsüogo. Iba atema DABAWM dang kanga pelaba ABCDWM-i lemsateper.

**AO OSHI ANGAZÜKDAK:
TANÜ ANGAZÜKTSÜBA OJANG**



Tir Yimyim

Shisatokden

(adj) onük tejangja ka benoka shisalemsatepba (Seminar)
· Tsüraburtem asoshi shisatokden sentong agitsü kanga nüngdaker.

Shisatsü

(n) Tsüngremi nisung nem tangatetsü agütsüba tashi (wisdom)
* Shisatsü aliba agi sentong tajung rateta inyaker.

OLONG PAITEP # 6686

1		2		3			4			5
							6			
7										
						8				
						9		10		11
			12							
	13									
14						15				
16										
			17							

TIPLIN

- 2. Putupur - (6)
- 6. Lenmang balala - (4)
- 7. Rong tulu - (5)
- 8. Ataloktsu indang ashi - (4)
- 13. Keta-asen - (4)
- 15. Yim ka - (5)
- 16. Kongru - (4)
- 17. Jaksa-jaklem - (6)

LANGTSÜNGLEN

- 1. Prangpong nung akaba - (6)
- 2. Tsüngrem tenung ka - (6)
- 3. Tama - (6)
- 4. Mamatzü agütsüba shiruru - (5)
- 5. Tzünglu den külemi tsükba - (3)
- 9. Küm tarensen - (6)
- 10. Ayong tulu - (6)
- 11. Tarutsü atema mangdang - (6)
- 12. Ajak dak atongba wara - (5)
- 14. Tezüng atema mesüba shiruru - (3)

OLONG PAITEP # 6685 TELANGZÜBA

TIPLIN :

- 1. Semtu, 3. Lepko, 5. Bilem, 8. Ulu,
- 10. Tsüngpang, 11. Tesangwa,
- 13. Aoksa, 15. Putir, 16. Yipru.

LANGTSÜNGLEN :

- 1. Sayu, 2. Teb, 4. Kimong,
- 6. Lungkak, 7. Milak, 9. Zünga,
- 10. Temopu, 12. Walu, 14. Ali.

NAI-A YA METETTER MA



Mumbai yimti nung anogo ka songtema mopung chia jajabaji anogo nung moko noklang ka achiba den sakuku ta ashir. I baji kechiba ta süra yimti nung karkana tulu jenti lir aser item jagi mopung menendaktsür.

Arunachal nung Adi nungeri Donggin festival among



Pasighat, February 2, 2024

(Agencies): Siang district kübok Payum aser Kaying circles nung aliba Adi Bori kintemi Donggin benjung kanga longsoa mongogo.

Jarku village, Pasighat nung amongba benjung nung tongti tesemdangerji Pasighat Municipal Council Dy. Chief

Councilor Rebecca Panyang Megu liasü aser Councilor Okeng Tayeng o Jarku Gaon Burah Tagom Darang na tetushi süa jaokertem liasü.

Donggin benjung amongba ajanga Bori nunger New Year tenzüker aser iba ya January, February o March nung amonger.

Bori nunger ya Payum aser Kaying Circle nung teimba lir aser putu aika Donggin monga arur ta Donggin Festival Celebration Committee Chief Adviser Tabang Gaduk-i ashi.

Donggin ya molamoshi amongba benjung ka lir aser iba mapang ak o sü tepsetba tsüngrem külemer, ta pai ashi.

PM-DevINE scheme kübok Kamakhya Corridor yanglutsü

Guwahati, February 2, 2024

(Agencies): Prime Minister Narendra Modi-i Assam semdangdang February 4 nü Maa Kamakhya Access Corridor lung azüngtsütsü.

Iba ya Prime Minister's Development Initiative for North-East Region (PM-DevINE) scheme kübok tongtipang mapatong ka lir.

Kamakhya Corridor project ajanga northeast nung tamangba aser sobaliba tereprangtsü melenshitsü ta Assam Chief Minister Himanta Biswa Sarma-i ashi.

Kamakhya Corridor dang Maa Kamakhya Divyalok Pariyojana ta ajar aser Varanasi nung aliba Kashi-Vishwanath Temple Corridor den mesüktepa lir.

Iba mapatong atema Rs 498 crore lezmzütsüogo aser iba ajanga Guwahati nung aliba Kamakhya Temple meketa infrastructure tajungba akümtsü.

PM-DevINE scheme ya Union Budget 2022-23 nung sangokja liasü aser iba ya North-East Region renlokdaktsütsü atema temulung agütsür.

Mezüng atema iba scheme asoshi Rs 1,500 crore lezmzütsü aser iba ajanga state tem nung infrastructure & social development projects inyaktüsü. Ajisüaka iba ya Central aser State Schemes melentsü atema tenzüka masü.

PM-DevINE scheme kübok Ministry of DoNER secretary menden ser Empowered Committee kati mapatongtem asadangtsü.

2022-23 nungi 2025-26 tashi PM-DevINE scheme atema sena jak agi Rs 6,600 crore lezmzütsüogo.

CM Manik Saha-i Tripura Fish Festival nung aden



Agartala, February 2, 2024

(Agencies): Hokolbar nungi Agartala nung Tripura Fish Festival 2024 tenzükogo aser anogo ana benjung ya Purbasha Complex nung amonger.

Benjung lapokba sentong nung Chief Minister Manik Saha den Tripura Fisheries Minister Sudhangsu Das na aden.

Iba benjung ajanga Tripura nung fishery industry ajungkettsü meranger ta CM Saha-i ashi.

"2019 sülen taküm iba benjung ayonga amonger. Osang tali metettsü atema stall balala lapoka lir. Fisheries Department-ia stall ka

lapokogo. Tripura nung ango tzübo aika lir aser Fisheries Department ajanga mapa aika inyakdar" ta pai ashi.

"State sorkari reservoirs tasen yanglutsü aser fisheries area ulushitsü meranger kechiyong state nung ango achir kanga lir. Tang Tripura-i tangalen aser Bangladesh nungi ango bener arua achir saka state sorkari tarutsü nung fisheries tsütsü asenok sasa peritsü atema inyaker" ta CM Saha-isa ashi.

"Onoki fisheries nüngtugu kümdaktsütsü aser yimtsüng nung aliba lanurtem dang ango metsütsü ayongzüksü atema iba benjung amonger. Sorkari

schemes aika tenzükogo aser iba dak sendakba nung ango metsürtem nem teyari balala agütsüogo" ta paisa metetdaktsü.

Iba benjung ya state nung ango metsürtem aser parnoki metsütetba sayutsü nükjidong nung amonger ta Tripura Fisheries Minister Sudhangsu Das-ia ashi.

Iba benjung ya Tripura government kübok Ministry of Fisheries ajanga ayonger. Tripura nung fishery industry ajungkettsü aser ango metsürtemi state aser tangalen shishilembaba mapa tenzüksü atema iba benjung amonger, ta Das-i metetdaktsü.

Rohingya refugee kar Malaysian immigration detention centre nungi jena ao

Malay, Tsüklai/February 02 (Agencies): Malaysia north tsütsü khen asoshi yanglua aliba immigration detention centre nungi Rohingya refugee aser dangar kar jena aoba bushitar.

Brehostibar aonung linük north tsütsü Perak state nung aliba Bidor facility nungi nisung 131 jena aoba sülen ka tepset, ta Immigration Department ajanga sangdong ka nung ashi. Iba camp nung rongrong adokba sülen jena aodang north-south highway tongtiba ajangtsü merandang nisung ka dak gari kati atsük aser tanüంగా nisungtem jena ao.

Parnok ya nisung 115 shi Rohingya nung aser tanüంగా 16 ya danga Myanmar nungertem lir.

Parnok bushitsü atema police, sepaí aser reservist volunteers 375 yoka lir, ta Immigration Department director-general Ruslin Jusoh-i ashi.

Muslim nung timba sür ethnic Rohingya nungertem

timbai Malaysia ya bushir, aser 2017 küm Myanmar mitkar temi pua merenshiba sülen parnok meyirijang aika Bangladesh nung jenok, koba International Court of Justice nung kin ajunga samatsüba ken o benoka bushisüngdangba mapang lir.

Nisung aika Myanmar aser Bangladesh refugee camp tem yutsür lendong timtem balala aliba lenmang nung rongtila nung mener Southeast Asia bushir. Taoba küm tzüym nung nisung 569 asü mesüra sama, ta United Nations refugee agency (UNHCR) ajanga taoba ita shia liasü.

2023 küm tatem tashinung Malaysia nung UNHCR den refugee aser asylum bushir ama tenüng züluoka aliba nisung 185,300 rongnung shilem 88 dak tema Myanmar nungi arurtem lir.

Iba agency nung tenüng züluoka alir nisung 107,670 shi Rohingya nung lir, shirnok 1980s mapang mitkar sorkari senso agientsü. Küm asem

tejakdang mitkari Aung San Suu Kyi'er sorkar nungi tashi rakzüker civil war ama tensa tamajungba akumdang Malaysia nung jenoka alir Myanmar nungera lir.

Malaysia nung asylum atema applications agizüksü system mali aser refugee tem ya 'undocumented migrants' ama züngshir. Nisung aika jenjang tamajung nung "illegal migrants" ama aputsü tsüboa alir mesüra Malaysia nungeri meinyaknüba mapa inyaka alir.

Tawa immigration department-i 'undocumented migrants' pua merenshiba tali kumogo, saka 2019 küm August ita nungi UNHCR ya immigration detention centres semdangtsü memelar.

2022 küm April ita Penang state nung aliba temporary detention centre nungi tanurtem densema Rohingya refugee 500 dak tema jena ao aser highway ajanga aotsü merandang nisung trok asü.

Imran Khan takum lendong nung lir: Dr Salman Ahmad

Islamabad, Tsüklai/February 02 (Agencies): Pakistan indang taoba ato kilonser Imran Khan takum lendong nung lir, ta par tembar Dr Salman Ahmad-i ashi.

Khan ya ken o balala nung tai tonglojka tepuokdak yua lir aser February 8 nü general elections nung tokteptsü atema nomination paper agütsüba magizük aser pa takum alitsü atema Pakistan Army-i maongka asem agütsü.

Mezüngbuba ya Pakistan nüburtem dang tatok meshitsü aser yimtenren nungi pila alitsü. Election nung shilem agitsü asoshi kinunger ka shimtsü pa nem maongka agütsü.

Khan nem tanabuba maongka agütsüba ya Bani

Gala, Islamabad nung alitsü aser par Pakistan Tehreek-e-Islam (PTI) party election inyakyim nung shilem magitsü.

Party symbol amshitsü nokdang hopta ishika lir February 1 nü Khan-i intra-party polls agitsü sangdonga liasü. January 31 nü pa kinungtsü Bushra Bibi-a ochimashi ken o nung pa den külemi aija tepuokdak ayutsü obendang agütsü.

Maongka tasembuba ya ato kilonser menden asoshi candidates asem nungi ka shimtsü aser yimjak nung tenüng sangdongtsü.

Saka Khan-i maongka kata magizük, ta Dr Ahmad-i ashi. Pai pasasa pa ya 'popular leader' ta sangdong, shiba Pakistan nung shilem 95 shiii

bhukumer aser Army temi ibaji tsübor, ta ashi.

"Imran Khan-i mapodaktsü aser ochi nung nokdaktsü," ta Dr Ahmad-i ashi.

Taoba küm Election Commission of Pakistan ajanga PTI dang intra-party election tasen agitsü asüngdanga liasü aser yamaji inyak, saka party worker kari temulung masü anema nokdak.

General elections agitsü hopta ka shi dang lia parnoki February 5 nü intra-party elections agitsü ta Brehostibarnü sangdong.

February 5 nü intra-party election agitsü sangdongba ya kanga menur, kechiaser party-i taruba hopta elections atema independent candidates tem shima lir.

Iraq aser Syria nung amaktsü sentong US-i agizüker

Washington, Tsüklai/February 02 (Agencies): Anogo pongu tejakdang sepaí asem tepsetba tayang kepzüka Iraq aser Syria nung Iran den sendaktepa aliba 'targets' amaktsü sentong ka United States-i agizükogo ta ashir.

Syria aser Jordan tsüngta arütsü anasa Tower 22 base nung Deobarnü drone amshia amakba langzüa linük ana telung nung Iran sepaí aser facilities amaktsü White House-i temelaba agütsüogo, ta US broadcaster CBS News ajanga Brehostibarnü ashi.

Parnoki osang tejangjabo magütsü saka civilian tem dak mokongshitsü mechi tziüngsang ajungba mapang amaktsü ta US ketdangtsür kati ashi.

Hokulbarnü Iran Tir Ebrahim Raisi-ia shibai ozü linük

mesüshidir sashi-sashia telangzüba agütsütsü ta shia liasü.

"Onoki rara metenzüktsü saka kari danga onok mesüshinera parnok nem telangzüba tesashi agütsütsü. Tesüiba mapang parnoki (America nung) asenok den jembishinü sünüdang mitkar indanga jembitsü ta ashi. Tangbo Iran den raratsü tebilemba mali ta parnoki ashir," ta Raisi-i ashi.

Tehran indang mitkar tashi ajanga region nung linük kata nema timtem magütsütsü aser Iran tashi ya temeket nung aliba linüktem asoshi security agütsüba dang lir, ta tiri ashi. Jordan nung drone amshia amakba nung shilem magi ta Iran-i ashir.

US sepaitem aliba tesem amakba atema US aser Israel

anemba telungpur telok Islamic Resistance in Iraq-i tenüng agia liasü. Israel-i Gaza nung rara tenzüker America nung sepaí asüba ibai mezüngbuba alitsü.

Küm ishika tsüngta Iran den sendaktepa aliba telok balalai Iraq aser Syria nung US sepaitem aliba tesem nung noklang aiben maka arur, saka Gaza nung rara tenzüka sülen tesashiba aser timba amaker.

Iraq nung telok ya "axis of resistance" nung züngsem lir aser parnok ya Tehran-i yarir.

US Tir Joe Biden-i telangzüba agütsütsü nangzükogo saka lendong ataloker anogo pongu jungaka iba telangzüba marur. US ketdangtsür temi ashiba agi, parnoki anogo ishika agia tesem balala nung amaktsü.

(Maneni tapak 8 nung...)

Mulungnen O



ASO
03.10.1972

ASÜ
25.01.2024

Onoki teti meima aliba asür Mrs. Jongpongsangla akümüli wadang tembanga, Kibubai jar aoba mapang ozü mangyim jashi aser mulung zürep nüktzü aidokja kija, kibongtem, Arogotem aser lokti tentet shirnokisa onok dang temeim sayua sarasadem den nübu, rongsen aser shisatsü agi yariogo, nenok ajak dang kanga pelaba lemsateper.

Nenok temeim mapa tajung asoshi Tsüngremi moajangma ta ozü sarasadem.

Temeim Kinungbo, Chirnurtem, Anükapangtem aser Kinungertem.



OFFICE OF THE
VILLAGE COUNCIL, CHANGKI
MOKOKCHUNG : NAGALAND

TENÜNGSANG AGÜTSÜR



Nagaland State Election Commissioner inyaktüsü T. John Longkumer IPS, DGP (rtd) shimba angazüka Changki senso ajunga tenüng nung Changki Village Council ajanga tenüngsang agütsür. Meimlai lia iba ama temoatsü agütsüba atema Tsüngrem tenüng asanger aser Chief Minister Neiphiu Rio lenisüba kübok Government of Nagaland-i pa dak temulung lemtetba atema pelaba lemsateper. Onoki T. John Longkumer IPS nem tenüngsang agütsür aser maneni nübur tenzüka wadang tasen nung tajungtiba nung inyaktüsü moatsür.

Sd/-
Lendimenba Amri
Chairman, VCC

Sd/-
Imlitenzuk Changkiri
Secretary, VCC

TENÜNGSANG AGÜTSÜR

Dr. Sentitula, IFS, DFO, Mokokchung, D/o. Lt. Imsujongba & W t. Tsüknungmenlai Chuchuyimlang, lai Government mapa nung nendaka inyakba reprangteta Governor's Gold Medal konang tulu ngutetba atema asen Chuchuyimlang Senso Telongjem Mokokchung ajanga tetushi agütsür.

Tsüngremi la nübur ajangzüktsü asoshi arishi talang moajangma.

Sd/-
T. Yanger Pongen
President, CSTM

Sd/-
M. Tali Lkr
Secretary, CSTM



ALI TAYOKTSU LIR

At Aoyim Village (middle of the village) near 4th Mile, Chümoukedima @ 300 per sq.ft. (negotiable) No broker, any size land available. Contact : 8974754265 / 8787392096

Kenya nung gas bena aliba gari ka apok, nisung 3 asü aika yiru

Nairobi, Tsüklai/February 02 (Agencies): Kenya yimtiba Nairobi nung gas bena aliba gari ka apokba lendong nung nisung asem asü aser 300 jungnüa yiru.

Aonung 11:30 ako meta Embakasi district nung gas bena aliba lorry ka apok aser iba mapang milong tuluka adok, ta sorkar odongtar kati ashi.

(Maneni tapak 8 nung...)

Ranji Trophy: Tzünglu agi Nagaland-Arunachal Pradesh asaya anentsü



Dimapur, Tsüklai/February 02 (TYO): Nagaland Cricket Stadium, Sovima nung Ranji Trophy 2023-24 cricket asayamung Nagaland aser Arunachal Pradesh tsüngta February 2 nü tenzük aser February 5, 2024 nü atemtsü.

Ajisüaka mezüing anogo tzünglu aruba ajanga asaya anena atatsüsa akum.

Nagaland ya pei tesem nung qualifying match tatembang buba asaya junga tenzüka Arunachal-i toss akokba sülen mezüing batting shim saka overs 39.1 nung runs 124 dang yangluteter ajak out sütsü.

Arunachal asoshi Odi-i runs 15, Doria-i runs 21, Kuman Nyumpu-i runs 13, Suraj Tayam-i runs ter, AV Jaiswal-i

runs 16, Happy Kashyap-i runs 16 aser Ramesh Solanki-ia runs ter yanglutet saka parnoki runs junga magiteti liasü.

Nagaland nungi bowler temi mapang shia wicket agia liasü, kong Khrievitso Kense-i over pungo nung wicket pezü agi aser Karan Tewatiya, Jaganath Sinivas aser Imliwati Lemtur nungeri wicket ana-na agia liasü.

Iba asaya nung Imliwati Lemtur-i otsü tasen ka yangluteta North East Zone nungi first class wickets 100 agir bowler mezüingbuba akum. Nagaland nungi captain Jonathan Rongsen-ia otsü tasen ka yangluteta North East Zone nungi first class cricket nung 2000+ runs agir mezüingbuba

akum.

Batting nung Nagaland mejungi tenzüka mezüing aiter Joshua Ben Ozukum aser Moakumzuk Tzudir na mezüing over ana nung Shekar Sirdhi aser Gaurav Parte nati out sütsü.

Overs 8 nung Nagaland ya runs 26 nguteter lia tzünglu aruba ajanga asaya anentsüsa akum. Iba mapang Jonathan Rongsen ya runs 12 (not out) aser Sedezhahie Rupreo ya runs 8 (not out) nung liasü.

Iba asayamung Day 2 nung Nagaland ya Arunachal dang runs 98 agi tajemba nung tenzüktsü aser playoffs asoshi qualify asütsü atema Nagaland-i amokbanger asayatsüla.

Iraq aser Syria nung amaktsü...

Israel indang rara ajanga mitkar tsütsü tensa tamajungba mekumdaktsüner ta Iran aser US nati shia arur. Ajisüaka Israel arütsülen Lebanon indang Hezbollah telok den rarar aser Yemen indang Houthi teloki Red Sea nung US aser United Kingdom indang rong tem amaker.

Ajisüaka US-i amakba ajak

nung Tehran-i telangzüba agütsütsü, ta Iran indang Islamic Revolutionary Guard Corps (IRGC) nung commander-in-chief Hossein Salami-i tekum dangtsü shia lir.

US nung aliba Republican ketdangsur temi Iran amaktsü akhanger aser iba yagi rara tesashiba akumtsü. January 2020 nung US-i Iraq nung Iran mitkar lenir general

(Tapak 7 nungi...)

Qassem Soleimani tepsetba sülen Iran-i Iraq nung US sepaitem alidak tesem ka nung missile khalokja sepai aika yirutsü saka kata metepset.

Iraq sorkar maksü tali magidaktsütsü mechi US sepai anema military operations anena atatsü, ta Islamic Resistance in Iraq ajanga Bodhbarnü ashi.

Kenya nung gas bena aliba gari...

Iba lendong nung nisung aliba ki, businesses aser gari tem raksa. Iba tesem ya sepaitemi lungbangogo aser bushisüingdanga mapang lir.

Iba tatalokba atema yangji tanüker ka pua lir.

Asürtem rongnung tila tanur ka densema lir aser asürtem timba akumtsü akok, ta Embakasi police chief Wesley Kimeto-i ashi.

Nisung 271 shi mozü kidangi anir ogo aser item rongnung tanur 25 dena lir ta ketdangtsür temi ashir.

Nairobi indang Mayor Sakaja Johnson-ia nisung aika anepalur kidangi yokogo aser nisung 39 mozüki balalai yok aser karbo kanga sashia yirur

lir ta ashi.

Nisung 27 lendong atalokba tesem nung anepalua liasü.

Mezüingbo iba lendong ya gas plant nung gas cylinder tem refill asüba mapang apok ta sorkari ashi saka mapang tatsüka lir gari anena alidak iba lendong ya atalok ta jangjashitsü.

Iba mapang gas cylinder ka anüngleni tur tsüka aben-süoshi ayudak tesem ka nung tsüka mi adoka rongdok, ta ashi.

Iba mi yagi gari kar den dokan tila aser tulu aika rongdoka liasü.

Nisung aliba ki nunga mi kaolok aser nisung aika ki telung nung lir.

Mi remsepogo aser rescue

(Tapak 7 nungi...)

operation ka tenzükogo.

Iba gas plant ya ozüing agi memelaba lir aser iba tesem nung osettsüset ayutsü ki ka yanglutsü asüingdanga züluba applications asem tashi magizük, ta Energy and Petroleum Regulatory Authority (Epra) ajanga sangdong ka nung ashi.

Iba gari apokba tesem nung aliba truck ter shi okshia rongdoka lir aser gari ka anüngleni pokteta atuba metres ishika pilar ki ka nung tsüka liasü.

Iba gas apokdang gas cylinders aser shipping container tem anüngleni pokteta yok ta tenük kuli alirtemi ashir.

Nagaland Olympic & Paralympics Games 2024 atema senden amen



Dimapur, Tsüklai/February 02 (TYO): Dimapur nung February 13 nungi 17 tashi asayatsü aliba Nagaland Olympic & Paralympics Games 2024 atema shisadokden senden ka Deputy Commissioner, Kohima indang office chamber nung February 2, 2024 nü Kohima District Sports Council, Chef-de-Mission, Deputy Chef-de-Mission aser asaya balala nung ketdangsurtem mena liasü.

Deputy Commissioner, Kohima, Kumar Ramnikant, IAS ajanga iba senden nung jembidang administration aser

District Sports Council ajanga asayar aser pei team den akok tashi yariteptsü ta ashi aser shilem agir aser asayar temia pei sempet amshia shilem agitsü imlar, ta shia liasü.

Iba Olympics ya board tatidang den külemi alir asünung taruba küm nungibo anogo aser ita melenshitsü Nagaland Olympics Association dang mepishitsü ken o benokba DC ajanga agizüka liasü.

DC ajangasa asaya balala nung shilem agitsüpur aser 'preperatory funds' agüja liasü aser inyakyim ajak nung ochishia inyaktsü ashi.

Al Nassr-i goal 6-0 agi Inter Miami akok



Riyadh, Tsüklai/February 02 (Agencies): Brehostibar aonung Riyadh nung Al Nassr aser Inter Miami tsüngta football friendly asayadang Al Nassr-i 6-0 agi akok, kong Cristiano Ronaldo yirur aliba ajanga masayatet aser Messi ya asaya tatemlen khen asaya liasü.

Ronaldo temola yiruba ajanga Al Nassr ya taoba hopta China nung game ana asayatsü aliba athi aser mapang talangka nungi kasa asayar tajung Messi den tatembang buba asayatsü imla aliba nunga shilem magitet.

Tena senteper Ballon d'Or sempet 13 ben ngutetogo aser Messi-i otsü yanglua taoba küm tiben buba bener ao. Tena tsüngta tesüsa asayaba ya 2023 küm January ita Saudi tsütsü Al Nassr aser Messi'er PSG tsüngta liasü, kong PSG-i 5-4 agi akok.

Brehostibar aonung tena melena Brazil nung Talisca-i goal asem agütsü aser asaya tenzükter minute 12 tsüngta Saudi Pro League teloki Major League Soccer telok nem goal asem agütsür liasü.

Otavio-i mezüingbuba goal agütsü aser iba sülen Talisca-i Al Nassr asoshi tanabuba goal agüja liasü. Iba sülen Aymeric Laporte-i meta talang nungi freelkick metsüba nung goal ka yoka liasü.

Half-time sülen minute ishika lir Talisca-i penalty nung pa asoshi goal tanabuba agütsü aser iba sülen Mohammed Maran-i tekolak agi ka tonglokja liasü.

Iba asaya nung Inter Miami asoshi Barcelona nungi asayar tejen Luis Suarez, Sergio Busquets aser Jordi Alba nunger asayaka parnoki asaya nung temelenshi balaka bener marutet.

Asaya atemtsü minute tenet lia Messi ait saka par telok nem goal trok agütsür liasü.

Miami ya MLS season tasenba asoshi maneni renemshir, koba February 21 nung tenzüktsü aser aji masüidang parnok Hong Kong aser Japan nung oa asayatsü.

Parnoki El Salvador aser külem MLS nungi FC Dallas den asayaba sülen Middle East nung arua asaya liasü.

BILEMDANGANG

"Senmangji tsürabur nungi angur saka tetemjen kinungtsü kajibo Tsüngrem nungi angur"